

資治通鑑綱目卷之四十三

下冊

史官陳仁錫評閱

戊辰十六年春正月嶺南獠反命楊思勗討平之

閹宦未有不殘酷者宜以為戒

嶺南獠反陷四十餘城思勗捕斬之思勗用兵所向有功然性殘酷所得俘虜或生剝其面或掣去頭

質實

嶺南道名注見秦始皇三十三年

以宇文融充九河使

融請用禹貢九河故道開稻田并回易陸運錢官收其利興沒不息事多不就

集覽

陸運錢先是江淮漕租米至東都以車或馱陸運至陝以待水便其水運一斛得八斗為成勞陸運率兩斛計庸錢千

質實

九河故道注見漢成帝建始四年

二月以張說兼集賢院學士

說雖罷政事專文史之任朝廷每有大事上常遣中使訪之

改驍騎為羽林飛騎

質實

羽林軍名注見漢順帝永建元年

秋八月行開元大衍曆○金吾將軍杜賓客破

吐蕃于祁連城

質實

祁連城注見漢武帝元朔三年

○冬十一

即一行所造推大衍曆立術以造

兵

月以蕭嵩同平章事。十二月立長征兵分番
酬勲法。

敕長征兵無有還期。人情難堪。宜分五
番歲遣一番還家洗沐。五年酬勲五轉。

制戶籍三歲一定。分爲九等。

已巳十七年春三月朔方節度使信安王禕攻吐

蕃拔石堡城。

初吐蕃陷石堡城。留兵據之。侵擾河右。上命
朔方節度使信安王禕與河西隴右同議攻

能

取諸將咸以爲石堡險遠難攻。裨不聽。引兵深入。急攻拔之。分兵據要害。拓地千餘里。上

大悅。更命

集覽

石堡城在吐蕃中部山其城堅三面險絕惟一徑可上

曰振武軍

質實

一統志云信安本秦時會稽郡太末縣地名東漢置新安縣晉改曰信安屬東

陽郡隋初屬婺州唐初置衢州治此咸通中改爲西安縣宋金元仍舊本朝因之爲衢

州府治所仍屬焉河西郡名注見漢安帝元初元年隴右道名注見秦王政三年隴西要

害注見漢文

帝十一年

書法

石堡唐故境也不書復書攻拔何譏事邊功也

限明經進士及第每歲毋過百人

觀場賜二
於見唐之
于取士

國子祭酒楊瑒奏流外出身每歲二千餘人而明經進士不能居其什一則是服勤道業之士不如胥吏之得仕也。臣恐儒風浸墜廉耻日喪。若以出身人太多則應諸色裁損。又奏主司帖試明經不求大指專取難知問以孤經絕句或年月日請自今並帖平文上甚然

集覽

〔流外〕杜佑通典曰隋置九品品各有從自四品以下每品分上下自太師

始焉謂之流內後又有視流內唐因隋制又置九品自諸衛錄事及五省令史始焉謂之流外其流外兵部禮部舉人郎官得自主之謂之小選〔明經〕所試一大經并孝經論語爾

雅、其他有差帖皆通而口問之、一經問十義、得六者爲通、問通而後試策、凡三條、三試皆通者爲第_{進士}、所試一大經、併爾雅帖皆通而後試文、試賦各一篇、文賦通而後試策、凡五條、三試皆通者爲第_{道業}、道謂所蹈履、業謂所肄習、胥吏胥、給徭役者、吏、掌書者、謂流外人、通典曰、凡府寺胥吏、守局既久、積月累勞、故得齒於下品、諸色猶言雜科也、如陰陽筮卜圖畫功巧造食音聲天文之流、帖試謂以所習經掩其兩端、中間推開一行、裁紙爲帖、凡帖三字、隨時增損、可否不一、或得四得五得六者爲通、孤經絕句、章句斷絕、其疑似可以惑人、故謂之孤絕也、帖平文試以平易之文也、通俗文四題賦曰帖

書法

書限何譏也、於是諸色入仕、無所裁損、獨限明經進士、故書譏之、

發明

以天下之廣吏員之衆、而明經進士歲止百人、則取士之塗隘可知矣、楊

瑒之言、非不明白、玄宗雖是其說、然亦未聞有所施行、直書于冊、其失自見、孰謂唐得人爲盛哉、

夏四月禘于太廟

唐初禘則序昭穆、禘則各祀于其室、至是大常少卿韋縉等奏、如此則禘與常饗不異、請序昭穆、從之、

集覽

禘注見漢平帝元始五年禘注見漢後主建興十五年縉他刀

反

質實

昭穆注見漢光武建武十九年

五月復置按察使○社暹李元紘源乾曜罷以

宇文融裴光庭同平章事蕭嵩兼中書令

張說張嘉貞李元紘杜暹相繼爲相源乾曜以清謹自守唯諾署名而已元紘暹議事異同更相奏列上不悅貶暹荆州長史元紘曹州刺史乾曜罷爲左丞相以融光庭平章事

嵩兼中書令

質實

荆州注見漢獻帝建安十三年南郡曹州注見漢光

武建武八

年濟陽

秋八月以帝生日爲千秋節

八月五日、上以生日宴百官於花萼樓下、丞相源乾曜張說表請以是日爲千秋節、布於天下、咸令宴樂、移社就之。范氏曰：太宗不以生日宴樂、以爲父母劬勞之日也。乾曜等以人主生日爲節、又移社以就之、夫節者陰陽氣至之候、不可爲也。社者國之大祀、不可移也。明皇享國既久、驕心浸生、乾曜與說不能以義正君、又爲諂媚以逢迎之、而後世猶以二人爲名臣、不亦異乎。

質實 花萼樓注見 開元二年

書法

生日宴樂舊矣、未以節名也、源張導諛而侈費、自此廣矣、書曰：以帝生日

爲千秋節，咎以爲者也。○後世以人君始生之日爲節，而表賀之，始此。

發明

自唐玄宗以生日爲千秋節，其後遂踵爲故事。內自朝廷，外及郡邑，張樂設宴，號爲聖節，而不知貪官虐吏，並緣爲姦。於是掊歛民財，強奪橫取，蔬果魚肉之屬，自市井以及村落，均受其害。宴席未設，而吏卒之家，醉釀飽鮮，已厭飫斯民之膏血矣。甚至拘平民子女以爲妓，否則漁取得利而後止，名爲臣子尊君，而其實爲漁利之階。號爲祝延聖壽，而其實爲歛怨之府。號爲咨嗟，赴愬無所，椎剝烹殺，暴殄尤甚。以是而欲增延睿筭，吾誰欺？欺天乎？然承襲已久，雖仁人君子，感頌不忍，亦未敢

發一言以及之者、蓋其爲名甚尊、稍涉擬議、則人得以不敬君父之罪加之矣、必有英明果決之君、卓然知其爲民之害、出於由衷、奮發剛斷、罷而去之、法太宗劬勞之念、不爲宴樂、雖聖節之名不廢、而漁蠹之患斯泯、不奪於流俗之見、不搖於諛臣之請、則其愛民及物之實德、增益福祚、豈不旣多矣乎、不然、拜表一通、望闕稱賀、亦足見臣子尊君敬上之意、豈必張大宴設而後爲敬哉、況是禮不出于盛帝明王、而出于漸不克終之君、自我作古、不爲玄宗而爲太宗、豈不甚盛甚美、綱目於此特書以帝生日爲千秋節、蓋亦志作俑之始也、任是責者、豈非張說源乾曜輩乎、惜哉、

工部尚書張嘉貞卒

賢

嘉貞不營家產、有勸其市田宅者曰、吾貴爲將相、何憂寒餒、比見朝士廣占良田、身沒之日、適足爲無賴子弟酒色之資、吾不取也。

禁私賣銅鉛錫

勅以人間多盜鑄錢、始禁私賣銅鉛錫、及以銅爲器皿、其采銅鉛錫者、官爲市取。

貶宇文融爲汝州刺史

融性精敏、應對辯給、以治財賦得幸、廣置諸使、競爲聚斂、由是百官浸失其職、而上心益

融之遺害
無窮

天象

後百姓苦之在相位謂人曰使吾居此數月則海內無事矣信安王禧以軍功有寵融疾之使御史李寅彈之緯聞之先以白上明日寅奏果入上怒融坐貶既而國用不足上復思之會有飛狀告融賊賄隱沒官錢事坐流巖州道卒然是後言財利以取貴仕者皆祖之

集覽

廣置諸使時置立括田等使二十九人飛狀如語無姓名告狀者顏師古

曰言不知

質實

汝州注見漢光武建武二年梁縣巖州未詳沿革

冬十月朔日食

不盡
如鉤

進

庚午十八年春正月以裴光庭爲侍中○二月初

令百官休日選勝行樂

初令百官於春月旬休選勝行樂自宰相至員外郎凡十二筵各賜錢五千緡或御花萼樓邀其歸騎留飲迭使起舞盡歡而去

集覽

旬休每十日賜與百官一休假也選

勝選擇勝
繫去處

書法

書初令何譏教逸也欲逸人心之所不免也上復令之莫敢不從矣自是

以至於天寶之亂故書初

荒之失
見六

明

書曰儆戒無虞。又曰無教逸欲有邦。當是之時君戒其臣以夙夜出納。惟允臣戒其君以一日二日萬幾。夫以雍熙盛際至治之極君臣相與告戒者如此則其餘從可知矣。開元之時雖曰民物阜康然猶未及唐虞之盛而驕怠之萌已駸駸乎不可遏其不克終之漸蓋已形見于此書初令百官選勝行樂則玄宗侈大自滿之意爲如何哉。治道雖欲加進尚可得乎。

夏四月築西京外郭

九旬

而畢

興

可免躁競

無以處才
俊選法從
此遂壞

以裴光庭兼吏部尚書

先是選司注官惟視其人之能否或不次超遷或老於下位有出身二十餘年不得祿者光庭始奏用循資格各以罷官若干選而集官高者選少卑者選多無問能否選滿則注非負譴者有升無降庸愚皆喜謂之聖書而才俊之士無不怨歎宋璟爭之不能得

覽

各以罷官若干選而集各以謂下文官高者卑者也罷官謂罷劇就閒者也若干數

未定之辭不拘多少爲一選聚集而銓注也如天寶二年選人集者以萬計是已

書法

兼官未有書者書光庭何譏也用循資格自光庭始故謹志之是故志罷